

Muinntireas Luchd-ealain

Le taic bho Stèidheachd Esmée Fairbairn

Tar-shealladh

Am-bliadhna agus tro 2022 gus am Màrt 2023, bidh sinn a' cur taic ri 12 Muinntireasan/Còmhnaidheachdan Luchd-ealain. Tha iad sin airson beachd-smuain no pròiseact a leasachadh, le taic bho bhuidseat ainmichte, farsaingeachd stiùidio agus uidheam, cothrom air comhairle is eòlas teicnigeach.

DISCOVER RESIDENCIES

Thèid £5,000 a bhuileachadh air 8 luchd-ealain agus tha suas ri 2 sheachdain de dh'ùine san stiùidio aig gach neach (taobh a-staigh dà mhìos), a' cuimseachadh air rannsachadh is leasachadh, lorg agus com-pàirteachadh ann am beachd-smuain no pròiseact ùr.

- Cuairt 1 – Foirm tagraidh. **Ceann-latha: Didòmhnaich 13 Màrt 2022 aig 11.59f.**

DEVELOP RESIDENCIES

Thèid £20,000 a bhuileachadh air 4 luchd-ealain agus tha suas ri 6 seachdainean de dh'ùine san stiùidio aig gach neach (làithean taobh a-staigh 6 mìosan), a' cuimseachadh air leasachadh beachd-smuain chun na ciad ìre dreach.

- Cuairt 1: Nochdadh ùidh. **Ceann-latha: Diluain 21 Màrt 2022 aig 11.59f.**
- Cuairt 2: Cuireadh do luchd-ealain air a' gheàrr-liosta tagradh a chur a-steach. **Ceann-latha: Tràth sa Chèitean 2022 (ri chonaltradh do thagraichean air a' gheàrr-liosta)**

Cùm a' leughadh airson barrachd mion-fhiosrachaidh gus do chuideachadh a' co-dhùnadh dè am muinntireas/còmhnaidheachd as fheàrr dhut.

ALTERNATIVE FORMATS

Tha am fiosrachadh seo ri fhaotainn sna cruthan a leanas air an làrach-lìn.

- Easy Read
- Cànan Soidhnigidh Bhreatainn
- Gàidhlig

Am bu thoigh leat am fiosrachadh ann an cruth eile leithid cànan diofraichte? Airson seo no cuideachadh sam bith eile leis an tagradh, cuir fios thugainn air artistresidency@nationaltheatrescotland.com

Mu Phrògram Còmhnaidheachd Luchd-ealain

“Nuair a dhùin taighean-cluiche an dorsan sa Mhàrt 2020, chuir sinn stad air ar prògram de chothroman cunbhalach pàighte do luchd-ealain ann an dòchas nach seasadh an glasadh-sluaigh ach beagan mhìosan aig a’ char as motha. An àite sin, tha buaidh leantainneach a’ phandamaig air toirt oirnn ath-smaoineachadh gu tur air mar a thèid sinn air adhart a’ freagairt air na neo-ionannachdan meudaichte nar gnìomhachas.

*An dèidh sgrùdadh mionaideach air gach nì a tha sinn air ionnsachadh bho thrì bliadhna de ghnìomhachd san t-Seòmar Einnsein, agus co-chomhairleachadh le raon de luchd-obrach neo-cheangailte tarsainn chruthan ealain, dreuchdan is cùl-raointean, tha sinn air modal ùr de chothroman fosgailte a cho-dhealbhadh, a tha a’ suidheachadh togail dhàimhean fad-amail le luchd-ealain aig nach robh àrd-ùrlar fhathast aig Theatar Nàiseanta na h-Alba aig a chridhe. Tron tairgse de ghòireas ionmhasail nas motha agus nas fhaide de chòmhnaidheachdan fighte leis a’ Chompanaidh, tha sinn airson guthan agus pròiseactan ùra a thogail a bheir buaidh air ar prògraman ri teachd agus cruth-tìre Gnìomhaidh is Theatar na h-Alba atharrachadh.” **Jackie Wylie, Stiùiriche Ealanta***

A’ togail air a’ phrògram Engine Room Starter a bh’ againn roimhe, tha sinn an dòchas tro na còmhnaidheachdan sin dàimhean le luchd-ealain a thogail agus a dhoimhneachadh. Rannsaichidh sinn cuideachd na pròiseactan a dh’fhaodadh a bhith air an leasachadh againn san àm ri teachd.

Airson nan còmhnaidheachdan sin, tha sinn a’ sireadh Luchd-ealain as urrainn dèiligeadh ri àireamh de ar prìomhachasan sa phrògram ann an dòighean ùr-ghnàthach agus inntinneach. Tha na prìomhachasan sin tarsainn tèama, cruth agus eòlas. Is iad sin:

Luachan / tèaman:

- Obair a tha a’ rannsachadh ceartas gnàth-shìde (leithid atharrachadh gnàth-shìde, àrainneachd nàdarra, seasmhachd, glèidhteachas, coimhearsnachdan as so-leònte / a’ fulang atharrachaidhean dian san àrainneachd).
- Obair a tha tlachdmhor agus togarrach do luchd-èisteachd (nochdadh no ag adhbhrachadh mòr-thlachd agus toileachas).

Cruth:

- Obair as urrainn a dhol air chuairt gu tallachan bhailtean dùthchail is iomallach air feadh Alba air fad.
- Obair a tha dèante le agus/no a’ rannsachadh theicneòlasan ùra.

Cùl-raon / Eòlas coileanaichte:

- Obair le luchd-ealain aig a bheil dualchas bho dhiaspora Ceann a Deas Àisia.
- Obair le luchd-ealain a tha ciorramach, bodhar, niùro-iomsgarach, agus eòlasan co-cheangailte eile, a' gabhail a-steach tinneas maireannach agus droch shlàinte inntinn.

Airidheachd

Tha am prògram seo airson:

- Luchd-ealain bho chruth ealain sam bith a tha airson pìos ùr obrach a dhèanamh a tha na ghnìomhadh beò, no na obair dhidseatach/air-loidhne, no dh'fhaodadh e a bhith tar-chinealach.
- Luchd-ealain aig a bheil eòlas proifeiseanta (tha sinn a' brosnachadh thagraidhean bhuapasan a tha tràth nan dreuchd sa ghnìomhachas a thuilleadh air feadhainn ann an dreuchd ùr chruthachail).
- Luchd-ealain le pròiseact a tha freagarrach do co-dhiù aon de na prìomhachasan prògraim againn air an liosta gu h-àrd.
- Luchd-ealain a tha stèidhichte agus ag obair ann an Alba.
- Luchd-ealain a tha 18 + bliadhna a dh'aois.

Tha sinn gu gnìomhach a' cur fàilte air tagraidhean bho luchd-chruthachail nach robh ag obair againn roimhe.

Ann an tuigsinn nam mòran chnapan-starra sa ghnìomhachas, gus tuilleadh iomallachaidh agus às-dhùnaidh a lùghdachadh agus gus prògram ealanta a thogail a tha a' nochdadh iomadachd na h-Alba, tha sinn a' prìomhachadh thagraidhean bho luchd-ealain:

- a tha Dubh, Donn, Daoine de Dhath, bhon diaspora Afraganach, an diaspora Cairibianach, diaspora Àisia an Ear, diaspora Ear-dheas Àisia, diaspora Àisia a Deas, diaspora Àisia an Iar agus diaspora an Ear Mheadhanaich, Latinx, tùsanaich, dualchas dà-chinnidheach / ioma-dhualchas.
- a tha bho ghnèithean air an iomall, a' gabhail a-steach boireannaich, fir targhnèitheach, neo-bhinearaidh, neo-ghèilleadh gnèithe, dà-spioradach, neo-ghnèitheach, daoine gnè-shùbailte. A thuilleadh air daoine bho ghnèithean is ghnèitheachd iomallaichte; a' gabhail a-steach daoine eadar-sheòrsach, agus buill sam bith eile de choimhearsnachd LGBTQIA+
- a tha ciorramach, bodhar, niùro-iomsgarach, agus/no bho eòlasan co-cheangailte, a' gabhail a-steach tinneas maireannach agus droch shlàinte inntinn.
- A tha bho fhàirdeach air teachd-a-steach ìosal.

Tha sinn a' cur fàilte air tagraidhean bho luchd-ealain a tha stèidhichte taobh a-muigh meadhan Alba, a tha a' labhairt / cleachdadh chànanan ìochdaraichte na h-Alba, a thuilleadh air luchd-ealain a tha bho choimhearsnachdan a tha air a bhith às-dhùinte gu h-eachdraidheil mar thoradh air an cultar agus an cinnidheachd.

Cha bhiodh e coltach dhuinn neach-ealain a thaghadh

- a tha air a bhith na phrìomh neach-ealain (leithid dràmadair, stiùiriche) ann an gnìomhadh prìomh àrd-ùrlair le Theatar Nàiseanta na h-Alba.
- a tha ann am foghlam làn-thìde.
- aig an robh 3 obraichean a bha air an coimiseanadh agus làn mhaoinichte – le ionad-cruinneachaidh no companaidh bhon chiad ìre leasachaidh gu gnìomhadh riochdaichte gu proifeiseanta, air a thaisbeanadh air sgèile prìomh àrd-ùrlair.

Seòrsaichean de Chòmhnaidheachd

Tha dà sheòrsa còmhnaidheachd ri fhaotainn do am faodar tagradh:

Lorg

- 8 Còmhnaidheachdan ri fhaotainn
- 2 sheachdain de dh'obair (thar ùine 2 mhios eadar Cèitean - Ògmhios 22 no Faoilleach - Gearran 23)
- Buidseat de £5000

Leasaich

- 4 Còmhnaidheachdan ri fhaotainn
- 6 seachdainean de dh'obair (thar 6 mìosan eadar Iuchar 2022 – Màrt 2023)
- Buidseat de £20,000

Lorg: Tha na còmhnaidheachdan sin a' cuimseachadh air lorg, dèanamh rannsachadh agus ciad leasachadh air beachd-smuain no pròiseact ùr. Buidseat de £5,000 airson tuarastal a' phrìomh neach-ealain (stèidhichte air 2 sheachdain de an ùine), cosgaisean pròiseict agus stuthan. Bidh na còmhnaidheachdan sin a' gabhail àite thar ùine nas giorra de 2 mhios agus dh'fhaodadh iad a bhith eadar Cèitean – Ògmhios 2022 no Faoilleach – Gearran 2023. Tha e an urra ris an neach-ealain mar a chleachdas iad an dà sheachdain aca (ceala-deug, no làithean air leth tron 2 mhios). Bidh cothrom aig a' chòmhnaidheachd seo air an obair a roinn le co-thagraichean.

Dèan tagradh airson seo ma tha thu a' coimhead airson còmhnaidheachd a tha gad chuideachadh a' rannsachadh do dh'ealantais, bheachdan agus am

pròiseas an lùib dèanamh obrach. Dh'fhaodadh seo a bhith airson rannsachadh a dhèanamh a thaobh obair ùr, leasachadh nan ciad bheachdan leat fhèin / le co-obraichean agus / no a' cleachdadh na h-ùine gus do mhodh-obrach a leasachadh.

Leasaich: Tha na còmhnaidheachdan sin a' cuimseachadh air leasachadh beachd-smuain no pròiseact ùr. Tha seo airson neach-ealain air leth, cruinneachadh de luchd-ealain, no àite ainmichte do chompanaidh agus buidseat gus beachd-smuain no pròiseact a leasachadh chun na ciad ìre dreach. Thig gach còmhnaidheachd sin gu crìch le roinn – a' mheud aige a dh'fhaodar a dhearbhadh le taic fhaotainn. Buidseat de £20,000 do thuarastal a' phrìomh neach-ealain (stèidhichte air 6 seachdainean de an ùine), cìsean co-obrachaidh, cosgaisean pròiseict agus stuthan. Bidh na còmhnaidheachdan sin a' gabhail àite thar 6 mìosan aig a' char as lugha, agus bu chòir dhaibh tachairt eadar luchar 2022 – Màrt 2023.

Dèan tagradh airson seo ma tha thu a' coimhead ri do bheachd-smuain airson obair ùr a leasachadh le goireas, rannsachadh agus ùine leasachaidh ainmichte. Dh'fhaodadh seo a bhith airson leasachadh do phròiseact gu ìre far am faodadh tu a roinn le prògramaichean, luchd-adhartachaidh no riochdairean. Dh'fhaodadh e a bhith cuideachd mu dheidhinn deuchainneadh bheachdan agus phròiseasan a dh'fheumar a rannsachadh mus bi an obair deiseil airson ìre ruithean-thairis agus riochdachaidh.

Còmhnaidheachdan uile: Obraichidh sinn leis an luchd-ealain gus an còmhnaidheachd a fhreagradh do am feumalachdan, agus na tha iad airson a rannsachadh agus a leasachadh. Rè 2022 – 23, bidh amannan ann do luchd-ealain ceangal a dhèanamh ri chèile taobh a-muigh an ùine stiuidio 2 no 6 seachdainean. Aig gach còmhnaidheachd, bidh:

- cothrom air farsaingeachd ruith-thairis - aig Rockvilla ann an Glaschu no àite ionadail eile don neach/luchd-ealain.
- 1-2-1 gus cuimseachadh air na h-ath cheumannan airson leasachadh na h-obrach (a' gabhail a-steach riochdachadh agus taic dràmach).
- taic teicnigeach.
- cothroman a dh'aon ghnòthaich leithid tadhalan pròiseis gu ruithean-thairis nan riochdachaidhean.
- seiseanan le sgioba obrach Theatar Nàiseanta na h-Alba (a dh'fhaodadh margaideachd is meadhanan, togail-airgid, tursan, conaltradh, a chòmhdach).
- coinneachadh rinn aig deireadh na còmhnaidheachd gus na h-ath cheumannan a dh'fhaodadh a bhith an lùib na h-obrach a rannsachadh.

- Taic buidseit air leth gu sònraichte airson feumalachdan ruigsinneachd fa leth. Faodar seiseanan 1-2-1 a chleachdadh mar thaic do aithris ruigsinneachd a chruthachadh – sgrìobhainn a dh’fhaodar an uair sin a roinn le co-obraichean eile san àm ri teachd.

Pròiseas Tagraidh

Còmhnaidheachdan Lorg - 1 Chuairt – Foirm Tagraidh

Thèid luchd-ealain Lorg a thaghadh bho na tagraidhean a thàinig a-steach, le pannal luchd-ealain neo-cheangailte agus sgioba NTS.

Còmhnaidheachdan Leasaich - 2 Chuairt - Cuairt 1: Nochdadh Ùidh - Cuairt 2: Cuireadh do luchd-ealain air a’ gheàrr-liosta gu tagradh a chur a-steach.

Gheibh luchd-ealain air a’ gheàrr-liosta taic ann an sgrìobhadh tagradh Cuairt 2 le tuarastal de £130.00 agus coinneamh 1 uair a thìde leis an sgioba leasachaidh luchd-ealain.

Loidhne-tìm:

LORG	
Faoilleach 2022	An tagradh beò
Màrt 13 ^{mh} 2022 aig 11.59f	Ceann-latha an tagraidh
Màrt 2022	Pannal a’ coinneachadh ‘s a’ taghadh an luchd-ealain Fios gu an luchd-ealain mun bhuil.
Cèitean – Ògmhios 2022	4 Còmhnaidheachdan Luchd-ealain
Faoilleach – Gearran 2023	4 Còmhnaidheachdan Luchd-ealain

LEASAICH	
Faoilleach 2022	An tagradh beò
Màrt 21 ^{mh} 2022 aig 11.59f	Ceann-latha Nochdadh Ùidh
Màrt 2022	Pannal a’ coinneachadh ‘s a’ tarraing geàrr-liosta
Giblean 2022	Coinneamhan 1 uair a thìde aig 10 -12 Luchd-ealain Geàrr-liosta gus deasbad air an tagradh.
Tràth sa Chèitean 2022	Ceann-latha tagraidh deireannach do luchd-ealain geàrr-liosta.
Meadhan a’ Chèitein 2022	Pannal a’ coinneachadh ‘s a’ taghadh an luchd-ealain Fios gu an luchd-ealain mun bhuil.
Iuchar 2022 - Màrt 2023	4 Còmhnaidheachdan Luchd-ealain

Tha am pannal air a dhèanamh suas de luchd-obrach Theatar Nàiseanta na h-Alba a bharrachd air luchd-cruthachaidh neo-cheangailte. Nì sinn measadh air mar a tha sibh air na ceistean a fhreagairt agus cleachdaidh sinn sgèile a dh'fhaicinn dè cho fiosraichte 's a tha ur freagairtean. Cleachdaidh sinn pròiseas co-dhùnaidh cho-aontaichte far an dèan sinn deasbad agus co-dhùnaidhean còmhla – seach 1 neach a' dèanamh a' cho-dhùnaidh dheireannaich. Tha am pannal a' coimhead airson dà phrìomh chuspair:

1. mar a tha do bheachd-smuain agus do phròiseact a' freagairt do na prìomhachasan prògram agus ma tha seo ann an dòigh ùr-ghnàthach no inntinneach,
2. mar a chomasaicheas a' chòmhnaidheachd seo dhut amasan ùra a thoirt gu buil don phròiseact agus don dreuchd-beatha agad a' dol air adhart.

Ùidh agad airson tagradh?

Dèan tagradh air-loidhne tro Submittable. Gheibhear mion-fhiosrachadh air an làrach-lìn.

Nam bu mhath leat tagradh tro bhidio no siostam èisteachd, faic na ceistean gu h-ìosal.

Nam bu mhath leat tagradh nad chànan dùthchasach, cuir fios thugainn mus cuir thu a-steach do thagraidh gus ar comasachadh air eadar-theangair a dhearbhadh.

Ma bhios tuilleadh taic a dhìth ort a' cur tagradh a-steach, cuir fios thugainn tron phost-d gu h-ìosal.

Ceist agad?

Thig a-steach gu **Seiminear-loidhne Zoom air Dimàirt 22^{mh} Gearran 2022** far an urrainn dhuinn ceistean sam bith a fhreagairt. Mura h-eil sin comasach, bidh an clàradh ri fhaotainn às dèidh an tachartais. Clàraich air an liosta puist leasachaidh luchd-ealain againn [an seo](#) gus fios fhaighinn nuair a bhios seo ri fhaotainn.

Gheibh luchd-frithealaidh an ceangal chun an tachartais seo 1 uair a thìde ron tachartas a bhith a' tòiseachadh. Dùinidh clàradh aig 11.00m. Cha bhi brisidhean sam bith tron tachartas seo, ach bidh camara dheth aig gach neach-frithealaidh. Bidh eadar-mhìneachadh BSL agus fo-thiotalain ann am Beurla ri fhaotainn aig an tachartas.

Faodaidh tu do cheistean a chur ro-làimh gun seiminear-loidhne aig artistresidency@nationaltheatrescotland.com no bidh cothrom agad ceistean a chur aig an t-seisean.

Ceistean Còmhnaidheachd Luchd-ealain Lorg

1. **Innis dhuinn mud dheidhinn fhèin agus mar a bhios tu ag obair?** (100 facal) suas ri 1.5 mionaid air bhidio no claisneach.
2. **Innis dhuinn mun bheachd-smuain no mun phròiseact a tha thu airson a leasachadh?** (300 - 500 facal) suas ri 5-8 mionaidean air bhidio no modh-èisteachd.
3. **Innis dhuinn mar a tha do mholadh a' freagairt air aon no gin de ar prìomhachasan?** (200 - 400 facal) suas ri 4-6 mionaidean air bhidio no modh-èisteachd.
4. **Nan deigheadh an t-airgead seo a bhuileachadh ort, innis dhuinn mar a chosgadh tu e gus na tha thu ag iarraidh a choileanadh?** (Thoir an aire, tron chòmhnaidheachd bidh sinn ag obair còmhla riut gus do bhuidseat a shuidheachadh agus a stiùireadh) (200 – 400 facal) no suas ri 4 -6 mionaidean air bhidio no modh-èisteachd.
5. **Càite a bheil thu stèidhichte ann an Alba?** (clàr-innse an ùghdarrais ionadail air Submittable) suas ri 1 mhionaid air bhidio no modh-èisteachd. .
6. **Cuir tiog an seo ma tha thu toilichte do dhearbh-aithne innse dhuinn mar a bhith:**
 - Dubh, Donn, Daoine de Dhath, diaspora Afraganach, diaspora Cairibianach, diaspora Àisia an Ear, diaspora Ear-Dheas Àisia, diaspora Àisia a Deas, diaspora Àisia an Iar agus an Ear Mheadhanaich, Latinx, Tùsanaich, dà-chinnidheach / ioma-dhualchas.
 - bho ghnèithean iomallaichte, a' gabhail a-steach boireannaich, fir tar-ghnèitheach, neo-bhinearaidh, neo-ghèilleadh gnè, dà-spioradach, neo-ghnèitheach, gnè sùbailte. A thuilleadh air daoine bho ghnèithean is gnèitheachd iomallaichte; a' gabhail a-steach daoine eadar-ghnèitheach, agus buill sam bith eile den choimhearsnachd LGBTQIA+
 - ciorramach, bodhar, niùro-iomsgarach, agus/no bho eòlasan co-cheangailte a' gabhail a-steach tinneas maireannach agus droch shlàinte inntinn.
 - bho fhàrdaich air teachd-a-steach ìosal.

Tha sinn a' prìomhachadh thagraidhean bho luchd-ealain aig a bheil eòlas air às-dhùnadh agus iomallachadh.

Ma tha thu a' cur a-steach bhidio no modh-èisteachd, faodaidh tu a ràdh, "Tha, tha mi ag aithneachadh mar a bhith bho aon no barrachd de na buidhnean air an liosta" no "Chan eil mi ag aithneachadh mar a bhith bho aon no barrachd de na buidhnean air an liosta" no "B' fheàrr leam gun a ràdh".

7. **Cuin a b' urrainn dhut do chòmhnaidheachd a dhèanamh?** Ainmich aon no an dà roghainn: Cèitean - Ògmhios 2022 / Faoilleach – Gearran 2023
8. **Stuth Taic** – cuir a-steach suas ri 4 pìosan de stuth taic agus do CV. Ma tha làrach-lìn agad no àrd-ùrlar mheadhanan sòisealta a bu mhath leat sinn fhaicinn, roinn e gu h-ìosal. Faodaidh na leanas a bhith am measg stuthan taic: naidheachdan ceangail, bhidiothan (gun a bhith barrachd na 10 mionaidean gu h-iomlan), dealbhan, às-earrann den sgrìobhadh agad?
9. **D' fhiosrachadh conaltraidh**
 - Àireamh fòn
 - Seòladh puist-d
 - Na modhan conaltraidh as fheàrr leat:

Cuiridh sinn post-d gu tagraichean uile leis an toradh aca. Thèid fios a chur gu tagraichean soirbheachail agus gheibh iad cuireadh gu coinneamh a dheasbad air a' phròiseact aca agus taic sam bith a tha riatanach.

Aig an ìre seo, a bheil nì sam bith a bharrachd a bu mhath leat innse dhuinn a thaobh modh conaltraidh leat agus feumalachdan sam bith a th' agad ris am faodadh sinn taic a chur? Faodaidh tu pàipearachd ruigsinneachd sam bith a luchdachadh suas (leithid aithris ruigsinneachd, aithris chothroman no Plana Taic Cosnaidh), ach bidh cothrom agad seo a roinn leinn aig àm eile nuair a bhios tu air do thaghadh san dòigh as fheàrr leat.

Còmhnaidheachd Luchd-ealain Leasaich: Ìre 1 - Ceistean mu Nochdadh Ùidh

1. **Innis dhuinn mud dheidhinn fhèin agus mar a bhios tu ag obair? (100 facal) suas ri 1.5 mionaid air bhidio no modh-èisteachd.**
2. **Innis dhuinn mun bheachd-smuain no mun phròiseact a tha thu airson a leasachadh? (300 - 500 facal) suas ri 5-8 mionaidean air bhidio no modh-èisteachd.**
3. **Innis dhuinn mar a tha do mholadh a' freagairt do aon no gin de ar prìomhachasan? (200 - 400 facal) suas ri 4-6 mionaidean air bhidio no modh-èisteachd.**
4. **Càite a bheil thu stèidhichte ann an Alba? Suas ri 1 mhionaid ann a' bhidio no modh-èisteachd.**

Cuir tiog an seo ma tha thu toilichte do dhearbh-aithne innse dhuinn mar a bhith:

- Dubh, Donn, Daoine de Dhath, diaspora Afraganach, diaspora Cairibianach, diaspora Àisia an Ear, diaspora Ear-Dheas Àisia, diaspora Àisia a Deas, diaspora Àisia an Iar agus an Ear Mheadhanaich, Latinx, Tùsanaich, dà-chinnidheach / ioma-dhualchas.
- bho ghnèithean iomallaichte, a' gabhail a-steach boireannaich, fir tar-ghnèitheach, neo-bhinearaidh, neo-ghèilleadh gnè, dà-sporadach, neo-ghnèitheach, gnè sùbailte. A thuilleadh air daoine bho ghnèithean is gnèitheachd iomallaichte; a' gabhail a-steach daoine eadar-ghnèitheach, agus buill sam bith eile den choimhearsnachd LGBTQIA+
- ciorramach, bodhar, niùro-iomsgarach, agus/no bho eòlasan co-cheangailte a' gabhail a-steach tinneas maireannach agus droch shlàinte inntinn.
- bho fhàrdaich air teachd-a-steach ìosal.

Tha sinn a' prìomhachadh thagraidhean bho luchd-ealain aig a bheil eòlas air às-dhùnadh agus iomallachadh.

Ma tha thu a' cur a-steach bhidio no claisneach, faodaidh tu a ràdh, "Tha, tha mi ag aithneachadh mar a bhith bho aon no barrachd de na buidhnean air an liosta" no "Chan eil mi ag aithneachadh mar a bhith bho aon no barrachd de na buidhnean air an liosta" no "B' fheàrr leam gun a ràdh".

Stuth Taic – cuir a-steach suas ri 4 pìosan de stuth taic agus do CV. Ma tha làrach-lìn agad no àrd-ùrlar mheadhanan sòisealta a bu mhath leat sinn fhaicinn, roinn e gu h-ìosal. Faodaidh na leanas a bhith am measg stuthan taic: naidheachdan ceangail, bhidiothan (gun a bhith barrachd na 5 mionaidean gu h-iomlan), dealbhan, às-earrann den sgrìobhadh agad?

10. D' fhiosrachadh conaltraidh

- Àireamh fòn
- Seòladh puist-d
- Na modhan conaltraidh as fheàrr leat
- Cuiridh sinn post-d gu tagraichean uile leis an toradh. Thèid fios a chur gu tagraichean soirbheachail agus gheibh iad cuireadh gu coinneamh a dheasbad air a' phròiseact aca agus taic sam bith a tha riatanach.
- Aig an ìre seo, a bheil nì sam bith a bharrachd a bu mhath leat innse dhuinn a thaobh modh conaltraidh leat agus feumalachdan sam bith a th' agad ris am faodadh sinn taic a chur? Faodaidh tu pàipearachd ruigsinneachd sam bith a luchdachadh suas (leithid rider ruigsinneachd, aithris chothroman no Plana Taic Cosnaidh), ach bidh cothrom agad seo a roinn leinn aig àm eile nuair a bhios tu air do thaghadh san dòigh as fheàrr leat.

WORK? US ABOUT YOU AND HOW YOU MAKE E WORK?

Ceistean Bitheanta

Ceistean mun Fhoirm Tagraidh, Airidheachd agus am Pròiseas Tagraidh

1. Innis dhuinn mud dheidhinn fhèin agus mar a bhios tu ag obair?

Innis dhuinn mu dheidhinn na tha thu a' dèanamh an seo (i.e. dràmadair, stiùiriche, stiùiriche dannsa etc), agus innis dhuinn mun t-seòrsa obrach a tha thu a' dèanamh – faodaidh seo a bhith a' gabhail a-steach nithean mar dèanamh theatar ciùil, gnìomhadh fèin-eachdraidheil freagarrach do làrach, obair a' freagairt do thèama shònraichte etc.

Innis dhuinn mun bheachd-smuain no mun phròiseact a tha thu airson a leasachadh?

Tha fios againn gun ceadaich a' chòmhnaidheachd seo dhut do bheachd a rannsachadh barrachd, tha a' cheist seo ga cur agus mar sin faodaidh tu innse dhuinn na tha thu an dòchas a rannsachadh no a dhèanamh rè fad do chòmhnaidheachd.

Nan deigheadh an t-airgead seo a bhuileachadh ort, innis dhuinn mar a chosgadh tu e agus na tha thu ag iarraidh a choileanadh?

Obraichidh sinn còmhla riut a' stiùireadh do bhuidseat agus nas urrainn dhut a dhèanamh leis a' ghoireas ionmhasail. An seo tha ùidh againn air faicinn cò air a chosgas tu an t-airgead i.e. do thuarastal, stuthan, co-obraichean etc. Tha sinn air ìrean tuarastail a shuidheachadh a tha sinn a' sùileachadh dhut fhèin a phàigheadh agus co-obraichean sam bith. Obraichidh sinn còmhla ri luchd-ealain air an còmhnaidheachd a bhuidseatadh leis na h-ìrean cleachdaidh as fheàrr a th' againn. Is e £130 an ìre làitheil bunaiteach do neach-ealain.

2. Cò tha air a' phannal?

Is e am pannal de luchd-cruthachaidh bhon taobh a-muigh:

Lesley Anne Rose

May Sumbwanyambe

Raisah Ahmed

Rosie Priest

Sandra Alland

Is e am pannal a-staigh :

Caroline Newall – Stiùiriche Leasachaidh Ealanta

Jackie Wylie – Stiùiriche Ealanta

Nelly Kelly – Co-òrdanaiche Leasachaidh Luchd-ealain

Paul Fitzpatrick – Stiùiriche Conaltraidh Cruithachail

Rhea Lewis – Riochdaire Leasachaidh Luchd-ealain

3. Airidheachd: Dè tha thu a' ciallachadh le “cò aige bha còrr air 3 obraichean a chaidh a choimiseanadh agus a bha làn mhaoinichte – le ionad-cruinneachaidh no companaidh bho a' chiad ìre leasachaidh gu riochdachadh proifeiseanta air a thaisbeanadh air prìomh àrd-ùrlar”?

Bidh sinn a' cleachdadh sgèile prìomh àrd-ùrlair a thaobh riochdachadh a tha air a thaisbeanadh ann an ionad-cruinneachaidh le luchd-èisteachd de 250+ le ruith de co-dhiù 1 seachdain ann an gnìomhadh a tha maoinichte gu proifeiseanta. Tha seo cuideachd a' toirt iomradh air riochdachaidhean a fhuair coimiseanadh bho ionad-cruinneachaidh no companaidh bhon chiad ìre leasachaidh troimhe gu riochdachadh proifeiseanta.

4. Airidheachd: Didseatach / Air-loidhne

Tha na còmhnaidheachdan sin do luchd-ealain a tha ag obair le meadhanan didseatach agus ag iarraidh obair a dhèanamh ann an cruth didseatach. Tha seo cuideachd do gnìomhadh agus luchd-dèanamh theatar a tha airson teicneòlasan a chleachdadh agus/no an cuid obrach a thaisbeanadh ann an co-theacsaichean didseatach agus air-loidhne.

5. Cunntas fhacail agus fad fhreagairtean

Feuch gun cleachd thu an àireamh fhacail agus fad ùine mar iùil airson bhidio agus tagraidhean claisneach. Chan fheum thu an ùine as fhaide no an cunntas fhacail a chleachdadh, chan eil annta ach tuairmsean. Tha na cuibhreachaidhean fhacail sin do cheistean is freagairtean stèidhichte air Beurla sgrìobhte. Tha sinn a' tuigsinn gum faod cuid de fhreagairtean a thugadh ann an cruth diofraichte, a bhith feumach air barrachd fhacail no ùine na dh'fheumar do Bheurla sgrìobhte.

6. Bu mhath leam còmhradh ri Theatar Nàiseanta na h-Alba mu phròiseact no beachd-smuain a th' agam.

Tha sinn dealasach a thaobh obrachadh le agus taic a chur ri luchd-ealain na h-Alba air feadh na bliadhna, agus tha mòran dòighean sam faod thu conaltradh rinn mud obair!

Faodaidh luchd-ealain agus companaidhean beachd-smuain no dealbh-chluich a chur a-steach thugainn airson Rannsachadh is Leasachadh no beachdachadh air riochdachadh, aig àm sam bith. Airson tuilleadh fiosrachaidh agus ceanglaichean mu thagraidhean, tadhail air: <https://www.nationaltheatrescotland.com/for-artists/new-approaches>

Mura h-eil dàimh dèante agad rinn fhathast agus gum bu mhath leat sinn ceangal a dhèanamh riut, faodaidh tu fios a chur thugainn mu obair sam bith san amharc a dh'fhaodas sinn a fhrithealadh (a' gabhail a-steach obair a' dol air adhart, sgròban etc) le post-d a chur gu: invitations@nationaltheatrescotland.com
HER

7. Tha ceist agam nach eil air an liosta seo

Tha seiminear air-loidhne againn Dimàirt 22 Gearran aig am faod thu do cheistean fhaighneachd. Gus a fhrithealadh, [clàraich an seo.](#)



No faodaidh tu do cheist a chur air post-d gu artistresidencies@nationaltheatrescotland.com